

REFERAT IIIA - Isumaginninnermut Inunnullu Innarluutilinnut Ataatsimiititaq d. 19-04-2022

Mødedato Tirsdag d. 19. april 2022 kl. 18:00

Mødested Kommunalbestyrelsip ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	6
Innarluutillit pillugit Siunnersuisoqatigiit ataatsimiittarnerinik ataavartumik ilisimatitsinerit.....	10
Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Ina	13
Nuummi Koefods Skolemut naatsorsuutit ukiumoortumillu nalunaarusiaq 2021.....	16
Danmarkimi STU-miinnissamut akuersissut.....	19
Paamiut pillugit isumaqatigiissut 2022 pillugu killiffik.....	21
Lukket.....	24
Taasariaqartut allat.....	25
Imaqarniliap akuerineqarnera.....	26

Punkt .: Saqqaa

Inge Olsvig Brandt (IA) *siulittaasoq*
Lone Rosengreen Pedersen (IA) *siulittaasup tullia*
Avaaraq S. Olsen (IA)
Poul Petersen (D)
Mala Høy Kúko (S)

Beslutning

Peqataasut:

Inge Olsvig Brandt (IA) *siulittaasoq*
Lone Rosengreen Pedersen (IA) *siulittaasup tullia*
Avaaraq S. Olsen (IA)
Poul Petersen (D)
Mala Høy Kúko (S)

Punkt .: Oqaluuserisassat akuerineqarneri

Beslutning

Oqaluuserisassat akuersissutigineqarput.

Punkt .: Nalunaarutit

Beslutning

Ingerlatsivimmiit:

Ippiarsuk pillugu Facebookimi allaaserineqartut pillugit nalunaaruteqarpoq. Ilanngullugu oqaatigineqarpoq pisut Ingerlatsivimmut toqqaannartumik saaffiginnissutigineqarsimanngitsut, ersarissaassutigineqarlunilu immikkoortut tamarmik sulisoqartut.

Punkt 1: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut kisitsisaannut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2022-01572

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivik suliffissaaleqineq anigorniarlugu suliniutit kiisalu suliffissaaleqisut amerliartornerat pillugit ataavartumik ilisimatitsissuteqartarpoq. Matumani ilisimatitsissut 2022-mi februaarimut tunngasuuvoq.

Nuuk

Nuummi suliffissaaleqineq qaffarialaarpoq, tamannalu ukiup qanoq ilineranut tunngassuteqarpoq. Majoriaq Nuuk maanna suliffissaaleqineranut tunngatillugu, pingaartumik inuusuttunut tunngatillugu, periusissiat assigiinngitsut suliaralugit aallartippai. Tamatuma saniatigut suliffissaaleqisunut piginnaangorsaqqittunullu iliuusissanik pilersaarutininik malitseqartitsineq nanginneqarpoq, tamanna coronamik nalaataqarneq pillugu marsip naaneranut kinguartinneqarnikuuvoq. Saniatigullu suliffissaaleqisut nalunaarsorneqartarnerat suliffissamillu innersuussisarnerit pingaartinneqarput, pingaartumik qaammatini februaarimi marsimilu ilinniarnissamat ilitsersuinerit pingaarnerutillugit

Paamiut

Paamiuni suliffissaaleqineq suli aalaakkaasuuvoq. Majoriaq Paamiut sulisut atuartullu akornanni coronartoqarnera pillugu ilungersunartorsioreerluni qaammatit marlussuit qaangiunneranni nalinginnaasumik sulineq aallartikkiartuaarpoq Taamaalilluni Majoriaq Paamiut, ilinniartissanut qinnuteqartitsinerit kingorna, suliffissaaleqineq akiorniarlugu ukiumut periusissiat piareersarlugit aallartissavai.

Tasiilaq

Tasiilami suliffissaaleqineq annikitsumik qaffariaateqarpoq. Tamanna ukiup qanoq ilineranut attuumassuteqarpoq naatsorsuutigineqarporlu qaammatini aggersuni upernarnera ilutigalugu suliffissaaleqisut ikilinissaat. Tasiilami Majoriap upernaap ingerlanerani illoqarfinni nunaqarfinnilu ilitsersuisarnerit aamma iliuusissatut pilersaarutit malitseqartinneqartarnerinut tunngatillugu suliniutertik nangissavaat.

Ittoqqortoormiit

Ittoqqortoormiini suliffissaaleqineq suli aalaakkaasuuvoq. Majoriami suliassat tamarmik inatsisigut pituttugaasut ataavartumik suliarineqartarput.

Kommuneqarfik Sermersuumi suliffissaaleqisut nikerarnerat

Kommuneqarfik Sermersuumi suliffissaaleqineq qaffariaateqalaarpoq, tamannalu ukiup qanoq ilineranut pissuteqarmat naatsorsuutigineqareerpoq. Tamatuma saniatigut sulinngiffeqarnerisutit februaarip aallaqqaataanni tunniunnissaannut suliffissaaleqisuuneq piumasaqaataammat ukiuunerani qaammatini suliffissaaleqisut amerlanerit nalunaarsorneqartarput. Taamaattorli

ukiunut kingullernut 2-3-nut sanilliullugu suliffissaaleqisut suli ikiliartornissaat suliffissarsiuussisarfimmit naatsorsuutigineqarpoq, tassa suliffissaaleqisut amerlassusii 2019-imi, 2020-mi aamma 2021-mi kisitsisinut sanilliullugit suli ikinnerummata. Ilanngussami takussutissiat 1 aamma 2 takukkit.

Piffissami tassani innersuunneqarsimasut nalunaarsorneqarnerat

Suliffeqarnermut Isumaginninnermullu Ingerlatsivimmit suliffissaaleqisut amerlanerusut suliffittaarnissaannut innersuunneqartarnissaat suli sulissutigineqarpoq. Matumani piffissami innersuunneqarsimasunut nalunaarsuinerit tulliuuttumi takuneqarsinnaapput. Innersuussisarnermut tunngasut 2022-mi suli immikkut pingaartinneqassapput, suliffeqarfinnik suleqateqartarneq kiisalu suliffissaaleqisut piginnaasaasa ineriartortinneqarnerat ima pingaarterutinneqassammat siunissami sumiiffinni sinerissamilu suliffiit inuttassarsiukkat inuttalerneqarsinnaallutik.

Sumiiffik	2022-mi februaarimi innersuussat amerlassusiat
Nuuk	17
Paamiut	13
Tasiilaq	2
Ittoqqortoormiit	0
Nunaqarfinni tamani	0

Matchgruppiniit agguataarinerit naatsorsorneqarnerat

Suliffeqarnermut Isumaginninnermullu Ingerlatsivimmit matchgruppenik agguataarisarneq suli immikkut ukkatarineqarpoq. Suliffeqarnermut Isumaginninnermullu Ingerlatsiviup tamanna pillugu qulaajaanermik suliaqarneq annertoq aallartippaa, tamannali 2021-mi corona pillugu sammisassat pilersaarutaasut arlallit taamaatinneqarsimmata kinguartinneqarlutilluunniit unamminarsimavoq. Qaammataini tulliuuttuni suliffissaaleqisut matchgruppimiittut, pingaartumik matchgruppe 2-miittut, misissorneqaqqinnissaat pilersaarutaavoq. Taamaaliortoqassaaq ataatsimut tamanut paasititsiniaanissamut ataatsimiigiaqqusinnikkut, iliuusissanik pilersaarutiniq malitseqartitsinnikkut kingornalu qulaajaanissamut innersuussinikkut, tassani sulinermik misiliinissamut pilersaarutit ilaapput. Taamaaliornikkut suliffissaaleqisut tarnikkut timikkullu sulisinnaassusaat piviusumik takuneqarsinnaalissapput. Ilanngussami takussutissiaq 3 takuuk.

Avataaniit suliarortut naatsorsorneqarneri

Februaari '22	Amerlassusiat
Akuersissutit amerlassusiat	28
Itigartitsissutit amerlassusiat	0
Sivitsuinerit amerlassusiat	15
Taamaatitsinerit amerlassusiat	0
Aalajangiinerit katillugit	43

Akuersissutit assigiinngitsut atorfinnut agguataarneqarsimasut ilanngussami 4-mi takukkit.

Ujartuilluni ilitsersuisarnerup naatsorsorneqarneri

Majoriaq inuusuttunut 16-30 akornanni ukiulinnut ujartuilluni ilitsersuinermik suliaqartarpoq. Ujartuilluni ilitsersuinerni sullinniakkat inuusuttuupput suliffissaaleqisut aammalu ilinniakkamik ingerlatsinngitsut, kisiannili Majoriami suliffissaaleqisutut nalunaarsorneqarsimannngitsut.

Kommunimi tamarmi ujartuilluni siunnersuineq aallartinneqarpoq. Suliffeqarnermut Isumaginninnermullu Ingerlatsiviup paasissutissanik katersisarnermik suliaqarneq pitsaanerulersippaa, naatsorsuutigalugulu Nuummi aqqissuussaasumik suliniuteqarneq nutartigaq 2022-mi upernaami piareerneqassasoq. Illoqarfinnili Ittoqqortoormiini Tasiilamilu

suliniuteqarnerup immikkoortua siulleq ingerlanneqareerpoq, Nuummilu Paamiunilu aallartinneqarpoq, suliniutillu qanoq nangeqqinneqarnissaa pilersaarusiussallugu.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersuumi suliffissaaleqinerup allannguuteqartarnera pisortanit ikiorsiissutitut kiisalu suliffeqanngikkallarnermi pisartakkanut aningaasartuutitut aningaasaqarnikkut sulisoqarnikkullu sunniuteqartarput.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaataitallit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq

Ilangussat

1. Suliffissaaleqisut kisitsisaannut takussutissiat

Punkt 2: Innarluutillit pillugit Siunnersuisoqatigiit ataatsimiittarnerinik ataavartumik ilisimatitsinerit

Beslutning

Ilisimatitsissut tusaatissatut tiguneqarpoq.

Bilag

Innarluutillit pillugit Siunnersuisooqatigiit ataatsimiinnerannit imaqarniliaq 4. novembari 2021-meersoq

Innarluutillit pillugit Siunnersuisooqatigiit ataatsimiinnerannit imaqarniliaq 17. februaari 2022-meersoq

Innarluutillit pillugit Siunnersuisoqatigiit ataatsimiittarnerinik ataavartumik ilisimatitsinerit

Ulluni 4. novembari 2021-imi aamma 17. februaari 2022-mi ataatsimiinnernit

Ilisimatitsissut

SagsID.: EMN-2022-02128

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiittamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Innarluutillit pillugit Siunnersuisoqatigiit ulluni 4. novembari 2021 aamma 17. februaari 2022 ataatsimiipput.

Kommuneqarfik Sermersuumi Inuit innarluutillit pillugit Politikki, tassunga ilanngullugu politikkip suliarineqarneranut tunngatillugu toqqammavigineqartut naleqartitalu, Innarluutillit pillugit Siunnersuisoqatigiinnut saqqummiunneqarpoq.

Innarluutillit pillugit Siunnersuisoqatigiit sulinerminni anguniakkatik Innarluutillit pillugit Siunnersuisoqatigiinnut saqqummiuppaat, tamatumalu saniatigut siunnersuisoqatigiit anguniagaat aalajangersimasut sorliit kiisalu suliassat tullerriaarneqarnissaat pillugu aalajangiinissamut workshop ingerlatissallugu.

Innarluutillit pillugit Siunnersuisoqatigiit 2021-2025-mut suleriaasissaannut siunnersuut akuersissutigineqarpoq.

Innarluutilinnut tarnikkut nappaatilinnullu Immikkoortortaqaqarfimmi fagcheffi nutaaq Innarluutillit pillugit Siunnersuisoqatigiinnit tikilluaqquneqarpoq. Suliffeqarnermut Isumaginninnermullu Ingerlatsiviup Oqartussaaffeqarfiani fagchef utaqqiisaasumik Innarluutillit pillugit Siunnersuisoqatigiinni ilaasortaagallarsimavoq Innarluutilinnut tarnikkut nappaatilinnullu Immikkoortortaqaqarfimmi Fagchefit atorfup inuttalerneqarnissaata tungaanut.

Suliffeqarnermut Isumaginninnermullu Ataatsimiittitaq Innarluutillit pillugit Siunnersuisoqatigiinni ataatsimiittarnerit pillugit ataavartumik ilisimatinneqartarpoq, soorluttaaq Innarluutillit pillugit Siunnersuisoqatigiinnit imaqarniliat Kommuneqarfik Sermersuup nittartagaani tamanut saqqummersinneqartartut.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Kommuneqarfik Sermersuumi Innarluutillit pillugit Siunnersuisoqatigiinnut ileqqoreqqusat
- Inuit innarluutillit pillugit Siunnersuisoqatigiit suleriaasiat

- Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

1. Innarluutillit pillugit Siunnersuisooqatigiit ataatsimiinnerannit imaqarniliaq 4. novembari 2021-meersoq
2. Innarluutillit pillugit Siunnersuisooqatigiit ataatsimiinnerannit imaqarniliaq 17. februaari 2022-meersoq

Punkt 3: Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allangortinneqarnissaannut siunnersuut pillugu tusarniummut akissuteqaat

Beslutning

Ilisimatitsissut tusaatissatut tiguneqarpoq.

Bilag

Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allangortinneqarnissaannut siunnersuut pillugu tusarniummut akissuteqaat

Utoqqalinersiat siusinaartumillu utoqqalinersiat allangortinnissaannut inatsisissatut siunnersuut

Isumaginninnermut, Suliffeqarnermut Nunamullu Namminermut Naalakkersuisoqarfimmit tusarniaanermi akissutinut akissut



Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allangortinneqarnissaannut siunnersuut pillugu tusarniummut akissuteqaat

Ilisimatitsissut

SagsID.: EMN-2022-00505

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliamik saqqummiussineq

Suliffeqarnermut Isumaginninnermullu Ingerlatsivik Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allangortinneqarnissaannut siunnersuut pillugu tusarniaanermut akissutissaliorpoq.

Inatsisissatut siunnersuummi siusinaartumik pensionisiat annertussusaannik aamma utoqqalinersiat tunngaviusumik aningaasartaasa qaffaanissaat siunnersuutigineqarpoq, utoqqalinersiallit aningaasaqarnerisa pitsanngorsarnissaat qulakkeerniarlugu.

Kisianni Suliffeqarnermut Isumaginninnermullu Ingerlatsivik naliliivoq, inatsisissatut siunnersuutip malitsigisariaqanngikkaa utoqqalinersiallit aningasanik amerlanerusunik pissarsisarnissaat. Tassunga pissutaavoq suliassaqaqfimmi tapiissuteqariaatsip ajornakusoortuunera, aningaasat sinneruttut atorsinnaasat aalajangersagaallutik aamma ineqarnermut tapiissutit amerlassusaat innuttaasup tamakkiisumik pissaanut sunniuteqartarmat.

Kommuneqarfik Sermersuumi Kommunalbestyrelsip utoqqalinersialinnut kisermaanut aningaasat atorsinnaasaat 6000 koruunimit, taavalu aappariinnut 9000 koruunimut aalajangersarpaat.

Suliffeqarnermut Isumaginninnermullu Ingerlatsivimmit naatsorsuutit ilanngunneqarput, inatsisissamut siunnersuutip malitsigisaanik innuttaasoq ilaannikkut qaammammut ikinnerusunik pissarsisarsinnaasoq takutinneqarluni.

Inatsisissamut siunnersuummi siusinaartumik pensionisiallit aningaasat atorsinnaasaat aamma qaffanneqarput. Suliffeqarnermut Isumaginninnermullu Ingerlatsivimmit allannguut tamanna taparserneqarpoq, innuttaasut siusinaartumik pensionisiallit suliffeqalernissaminnut kajumissuseqarnerulissammata. Kisianni eqqumaffigineqassaaq, allannguut illoqutigiit pisartagaannut allanut sunniuteqarsinnaammat. Tamatumuunalu ersarinnerusumik nassuiassagaanni naatsorsueqqinnissaq pisariaqassaaq.

Suliffeqarnermut Isumaginninnermullu Ingerlatsivik tusarniaasoqareermallu Isumaginninnermut, Suliffeqarnermut Nunamullu Namminermut Naalakkersuisoqarfimmut oqaloqatiginnippoq. Naalakkersuisoqarfimmi Suliffeqarnermut Isumaginninnermullu Ingerlatsiviup assersuusiaanik namminneq naatsorsuinerit ilannguppaat. Isumaginninnermut, Suliffeqarnermut Nunamullu Namminermut Naalakkersuisoqarfimmit naatsorsuinerit agguaqatigiissillugu innuttaasunut qaammammut 38,75 koruunimik pissaqarnerutitsivoq, agguaqatigiissillugu pissat 19 koruunimit 57,75 koruunimut qaffammata. Suliffeqarnermut Isumaginninnermullu Ingerlatsivimmit



nalilernerqarportaaq, innuttaasut pissaannut naammattumik inatsisissatut siunnersuut sunniuteqanngitsaq.

Naalackersuisoqarfiup nuna tamakkerlugu agguaqatigiissillugu ineqarnermut akiliut 3.300 koruuni tunngavigaa, tamanna inatsisissamut siunnersuutip sunniuteqarnissaanut naalackersuisoqarfiup naatsorsuinerinik tunngaveqarpoq. Kommuneqarfik Sermersooq naliliivoq, Nuummi agguaqatigiissillugu ineqarnermut akiliut nuna tamakkerlugu akigititanit qaffasinnerusoq, tamatumalu nunap sinneranut naleqqiullugu illoqarfiit pingaarnersaanni inatsisissatut siunnersuutip sunniuteqarnissaa annikillisippaa.

Naqqiut

Ilanngussaq 1-p imarai Kommuneqarfik Sermersuumi tusarniaanermi akissutit utoqqalinersiat aamma siusinaartumik pensionisiat tunniunneqartartut naatsorsorneqarnerannut assersuutit ilanngullugit. Assersuummi "Innuttaasoq 4" kommune allaaserinnippoq, aningaasat atorsinnaasat 5100 koruuniusut. Tamanna kukkuneruvoq. Sinneruttut atorsinnaasat maanna tunniunneqartartunut aamma tunniunneqartartunut allannguutissatut siunnersuutigineqartumut ilanngunneqassapput. Tunniunneqartussat eqqortut ullumikkut aamma allannguutip siunnersuutigineqartup kingorna 6000 koruuniussapput. Inerniliineq taamaaginnarpoq. Innuttaasoq pisartakkamini qaffaammik malugisaqassanngilaq.

Ingerlatsivimmit aningaasatigut sulisoqarnikkullu naliliinerit

Isumaginninnermut Suliffeqarnermullu Ingerlatsiviup nalilerpaa, allaffissornermi sulisoqarnikkut kinguneqassasoq, inuttaasup pissai nutaamik naatsorsorneqassammata.

Naatsorsuutigineqarportaaq, kommune annikinnerusumik ineqarnermut tapiissuteqarnikkut aamma sinneruttunik atorsinnaasatigut sipaaruteqassasoq, pissat katiternerat allanngortippat.

Suliffeqarfimmut Kiffartuussivimmit aningaasatigut naliliineq

Suliffeqarfimmut Kiffartuussivimmit aningaasatigut naliliinernik pissarsiniartoqanngilaq.

Inatsisitigut tunngavissaq allakkallu tunngaviusumik uppersaataatallit

- Utoqqalinersiaqarneq pillugu Inatsisartut inatsisaat nr. 20, 23. november 2015-meersoq, innersuussutigalugu Namminersorlutik Oqartussat Inatsisinik nalunaarutaat nr. 9, 28. februar 2020-meersoq allanngortinneqartoq Inatsisartut Inatsisaat nr. nr. 7, 19. november 2021-mersukkut
- Siusinaartumik pensionisiat pillugit Inatsisartut inatsisaat nr. 40, 9. december 2015-meersoq, innersuussutigalugit Namminersorlutik Oqartussat Inatsisinik nalunaarutaat nr. 8, 14. juli 2021 allanngortinneqartoq Inatsisartut inatsisaat nr. 7, 19. november 2021-mersukkut

Ilanngussat

1. Utoqqalinersiaqarneq pillugu Inatsisartut inatsisaata aamma Siusinaartumik pensionisiat pillugit Inatsisartut inatsisaata allanngortinneqarnissaannut siunnersuut pillugu tusarniummut akissuteqaat
2. Utoqqalinersiat siusinaartumillu utoqqalinersiat allanngortinnissaannut inatsisissatut siunnersuut
3. Isumaginninnermut, Suliffeqarnermut Nunamullu Namminermut Naalackersuisoqarfimmit tusarniaanermi akissutinut akissut

Punkt 4: Nuummi Koefods Skolemut naatsorsuutit ukiumoortumillu nalunaarusiaq 2021

Beslutning

Ilisimatitsissut tusaatissatut tiguneqarpoq, imatut oqaaseqaatitalerlugu: aningaasartuutit aammalu suliniutit nalunaarusiami ersarinnerusumik kusanarnerusumillu suliarineqarnissaat kissaatigineqarpoq.

Bilag

Nuummi Kofoeds Skolemi sulineq pillugu nalunaarusiaq 2021

Nuummi Kofoeds Skolemi iluarisimaarinermik misissuineq 2021

Nuummi Kofoeds Skolep naatsorsuutai 2021

KMPG'p pilersaarummut naatsorsuutit pillugit nalunaarutaa

Ingerlatsinermut suleqatigiinnissamullu isumaqatigiissut

Nuummi Koefods Skolemut naatsorsuutit ukiumoortumillu nalunaarusiaq 2021

Ilisimatitsissut

SagsID.: EMN-2022-02725

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq 2018-imi Nuummi Kofoeds Skole-mik ingerlatsinermut suleqatigiinnissamullu isumaqatigiissusiorpoq. Isumaqatigiissut naapertorlugu Nuummi Kofoeds Skole ukiut tamaasa kvartalit siullianni ukiup siuliani ingerlasimaneq pillugu ukiumoortumik naatsorsuutininik saqqummiussaqaartassaaq, allakkatigullu nalunaarusiortassalluni, ilaatigut isumaqatigiissummi anguniarneqartut pillugit nalilersuineramik malitseqartitsinermillu imalimmik.

Nuummi Kofoeds Skole nalunaarpoq, 2021-imi 180-it missaannik atuartuuteqarsimallutik, agguaqatigiissillugu 26-it ullormut takkuttarlutik. Tamatuma saniatigut nalunaarusiamit makku erseqqissaatigineqassapput:

- 2021-mi SANA suleqatigineqalerpoq, taannalu aqutugalugu sulisut ilinniarsimasut sapaatip akunneri tamaasa atuarfimmut takkuttarput. Tamatumuuna ilaatigut atuartut ajornannginnerusumik peqqinnissamat tunngasunik paasissutissinneqartarnerat qulakkeerneqartarpoq.
- 2021-mi novembarimi atuarfiup immikkoortortaanit Københavnimiittumit pissarsiaqarnaqisumik tikeraartoqarpoq, tassungalu atatillugu pikkorissartitsisoqarluni.
- Covid-19 pissutigalugu killilersuisoqarnerata kingunerivaa, atuarfimi sammeneqartartut arlallit piffissap ilaani unitsinneqartariaqartarnerat, tamannalu atuartunit kipiluttugineqartarpoq.
- Atuarfik qallunaat nunaanni isumaginninnermut aqutsisoqarfimmit ukiuni sisamani ukiumut 2 millioner koruuninik ingerlatsinermut atugassanik aningaasaliiffigineqarnikuvoq, inuusuttut akornanni angerlarsimaffeqanngitsuunermik pinngitsoortitsiniarnermut akiuniarnermullu atugassanik.

Novembarimi atuartut akornanni atuarfimi naammagisimaarineramik misissuisoqarpoq, tassungalu katillugit 27-it akissuteqarput. Misissuinerup inernerata takutippaa, atuartut 66,6%-ii misigisimasut, atuarfimi aallartinnerminnit maanna atuarfimiinnertik pitsanngoriaateqarsimasoq, kiisalu 55,5%-init atuarfimi sammisaqartarnek tamaat isigalugu naammagisimaarneqarluni.

Ulloq 7. marts 2022 pilersaarummut naatsorsuutit 1. januar 2021 – 31. december 2021-mut tunngasut Nuummi Kofoeds Skole-mi suliarineqarput akuersissutigineqarlutillu. Ingerlatsinermut suleqatigiinnissamullu isumaqatigiissummi piumasaqaatit naapertorlugit naatsorsuutit saqqummiunneqarput.. Kukkunersiuisarfik avataaneersoq KPMG naatsorsuutininik kukkunersiusuullunilu akuersissuteqartuvoq, taannalu pisortani pitsaasumik kukkunersuisoqarsimaneramik nalileneqarpoq.

Nuummi Kofoeds Skolip piffissami pineqartumi ataatsimut isertitai 4.665.773 koruuniupput, Kommuneqarfik Sermersuullu 4.500.000 koruunit aningaasaliissutigivai. Aningaasartuutit katillugit 4.580.103 koruuniupput. Aningaasartuutit annertunersarivaat akissarsiat pensionisiassallu, tulliuullutik pisiassanik pisiortornermut kiffartuussinernullu aningaasartuutit assigiinngitsut. Naaatsorsuutini katillugit 85.671 kr.-nik atuinikinnerusoqartoq takuneqarsinnaavoq.

Nuummi Kofoeds Skolip 2021-mut naatsorsuutai			
Isertitat		Udgifter	
Ukiumi kingullermi angusat	73.984	Akissarsiat soraarnerussutisiallu	2.996.016
Aningaasaliissutit	4.500.000	Angalanerit angallassinierillu	69.131
Isertitat allat (biilimik tunisineq)	91.789	Iluarsaanerit aserfallatsaaliuinerillu	19.199
		Sulisoqarnermut akiliutit	24.281
		Biilnut aningaasartuut	20.440
		Sillimasiinerit	5.418
		Avataaniit sullinneqarnerit	590.810
		Pisiniarnerit tamalaat	854.806
<u>Isertitat katillugit</u>	<u>4.665.773</u>	<u>Aningaasartuutit katillugit</u>	<u>4.580.103</u>
		<u>Suliniuteqarnikkut angusat</u>	<u>85.671</u>

Ataatsimiititaq tullianik Nuummi Kofoeds Skolemit ukiumoortumik nalunaarusiamik saqqummiiffiqineqassaaq 2023-mi apriliimi.

Ingerlatsivimmit aningaasatigut sulisoqarnikkullu naliliinerit

Kommuneqarfik Sermersooq Nuummi Kofoeds Skolimut ukiumoortumik 4.500.000 koruuninik aningaasartuuteqartarpoq. Tassunga illumut aammalu innaallagissamut/imermut/kiassarnermullu akiliutit kommunimit akilerneqartartut ilanngunneqassapput. Taamaattumik ukiumoortumik aningaasartuutaasartut 5.200.000 koruunit missaanniupput.

Suliffeqarfirmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- Nuummi Kofoeds Skolip aamma Kommuneqarfik Sermersuumi Suliffeqarnermut Isumaginninnermullu Ingerlatsiviup akunnerminni Ingerlatsinermut aamma suleqatigiinnissamik isumaqatigiissutaat

Ilanngussat

1. Nuummi Kofoeds Skolemi sulineq pillugu nalunaarusiaq 2021
2. Nuummi Kofoeds Skolemi iluarisimaarinerimik misissuineq 2021
3. Nuummi Kofoeds Skolep naatsorsuutai 2021
4. KMPG'p pilersaarummut naatsorsuutit pillugit nalunaarutaa
5. Ingerlatsinermut suleqatigiinnissamullu isumaqatigiissut

Punkt 5: Danmarkimi STU-miinnissamut akuersissut

Beslutning

Ilisimatitsissut tusaatissatut tiguneqarpoq.

Danmarkimi STU-miinnissamut akuersissut

Ilisimatitsissut

SagsID.: EMN-2022-02336

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersumi § 49-50 malillugu innuttaasup Danmarkimi ukiuni pingasuni STU-miinnissaa akuersissutigineqarpoq. Innuttaasup tassaniinnermini nammineernissamik ilinniarsinnaanissaa, siunissami suliffissamut tunngatillugu paasisaqarnissaa taamalu imminut pilersorsinnaalernissaa anguneqassasoq nalilerneqarpoq.

Ingerlatsivimmit aningaasatigut sulisoqarnikkullu naliliinerit

Ukiuni pingasuni STU-miinnermi aningaasartuutissat ukiumut 747.348 koruuniussapput. Tamatuma saniatigut 2022-mi angalanermut unnuinermullu katillugit 35.835 koruuninik aningaasartuuteqartoqassaaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppernarsaatitalit

- o Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq

Ilanngussat

Ilanngussaqaanngilaq.

Punkt 6: Paamiut pillugit isumaqatigiissut 2022 pillugu killiffik

Beslutning

Ilisimatitsissut tusaatissatut tiguneqarpoq, imatut oqaaseqaatitalerlugu: Kommunitsinni oqaluttuat kusanartut aammalu suliniutit iluatsilluarsimasut pillugit avammut nittarsaasoqarsinnaanera kaammattuutigineqarpoq.

Bilag

Paamiut pillugit isumaqatigiissut 2022 pillugu killiffik

Paamiut pillugit isumaqatigiissut

Paamiut pillugit isumaqatigiissummut Ilanngussaq 1

Paamiut pillugit isumaqatigiissut 2022 pillugu killiffik

Ilisimatitsissut

SagsiD.: EMN-2022-00508

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsiviup Suliffeqarnermut Isumaginninnermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq Aningaasaqarnermut Inuusutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqinneqassasoq

Suliassamik saqqummiussineq

Kommuneqarfik Sermersooq 2019-imi Peqqinnissaqarfimmut Paamiut pillugit isumaqatigiissuteqarpoq. Isumaqatigiissut kommunip namminersorlutik oqartussallu akornanni peqqissutsumut tunngasunik suleqatigiinnerisa tigussaasumik kinguneraat. Paamiut pillugit isumaqatigiissutip siunertaraa peqqinnissaqarfiup/peqqissaaviup kommunillu/Paamiunilu utoqqaat illuata akornanni piumasaqaatinik pitsanngorsaaniisaq qulakkeerneqassallunilu qanimut suleqatigiittoqarnissaa illuatungeriinnut iluaqutaasumik.

Ukiut tamaasa suleqatigiinneq pillugu killiffissiuisoqartassaaq. Ilanngussaq 1-imi allassimavoq suleqatigiinneq tamaat isigalugu killiffik aammalu suleqatigiissutigineqartut tamakkerlugit Paamiut pillugit isumaqatigiissummi ilanngussaq 1-imi immikkuualuttunngorlugit killiffissiorneqarput. Tulliuttumi suleqatigiissutigineqalereersut ataasiakkaat aammalu suleqatigiissuteqarfissat, ukkatarineqalersussat siunissamilu sularineqartussat pillugit eqikkaasoqassaaq.

Suleqatigiissutigineqalereersut

- Suleqatigiissuteqarfissatut siusinnerusukkut isumaqatigiissutaasut, soorlu assersuutigalugu ataatsimoorussamik unnuarsiortussanik pilersitsineq, utoqqarnut sapaap akunnerata naanerani nerisassanik pajuttarneq aammalu iluaqusersuutinik agguassineq, taamaasillutik sullitaq angerlartinneqarpat iluaqusersuutit nassarneqarniassammata.
- Ataatsimoorussamik errorsisarnissaq eqqiaasarnissarlu pillugit nutamik suleqatigiissuteqartoqalereerpoq, taakkualu tamakkiisumik utoqqaat iluannit sularineqartalereerput. Utoqqaat iluanni sulisut marluk peqqissaavimmi sulisooreersimapput, taamaattumillu peqqissaaviup tunganiit immikkut pisariaqartinneqartut ilisimareerlugit.
- Ataatsimoorussamik pillorissaasoqarnissamik ataatsimoorussamillu sungiusartarfeqarnissamut tunngasut suli ingerlalluarput. Piffissap ilaani ukiakkut ukiukkullu 2021-2022-mi, timikkut sungiusaasutut atorfik inuttaqannginnikuuvoq. Atorfik februaarip aallaqqaataani 2022-mi inuttaqaqqilernikuuvoq, taavalu utoqqaat illuanni timikkut sungiusaasoq peqatigalugu sungiusaanerit, sungiusartarfimmilu sungiusartarnerit ingerlateqqinneqalissapput.

Siunissami suleqatigiissutissat

- Portørit utoqqaat illuanni pedelip suliassaanik tigusinissaannut Covid-19 pissutigalugu pilersaarutit kinguaattoornikuupput. Suli isumaqatigiissutaavoq, siunissami portørit pedelillu suliassaasa ataatsimoorinneqarnissaat sulissutigineqassasoq, tamatumalu kingunerisaanik sanasunik pissarsiniartarnermut pisiniartarnermullu tunngasunik suleriaatsinik pilersaarusiortoqassaaq.



- Ataatsimoorussamik pikkorissartitsisoqarnissaanut tunngasunik suleqatigiissuteqarnissaq unammillerneqartoqarsimavoq, utoqqaat illuanni aqutsisup taarserneqarnera pissutigalugu. Nutaanik aqutsisortaarnikkut pilersaarutaavoq sulisoqarfiit akimorlugit suliatigut ilisimasanik piginnaasanik qaffasaanissamut ilinniartitsinermut pilersaarummik ineriartortitsisoqassasoq. Aqutsisut tamatumunnga piumasaqaatit naammassiniarlugit suliaqarput.
- Isumaqatigiissutigineqarpoq, utoqqaat illuata peqqinnissaqarfimmiit nakorsaatinik agguaassinermik tigusinissaa sulissutigineqassasoq. Tassunga piumasaqaatit inissinnissaannut aqutsisut sulissuteqarput.

Ingerlariaqqinnissaq

Paamiut pillugit isumaqatigiissutip killiffia ataatsimiititamut tulliani 2023-mi aprili/juunimi saqqummiunneqassaaq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Suliffeqarfimmut Kiffartuussivimmit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatitalit

- Paamiut pillugit isumaqatigiissut (ilanngussat ilanngullugit)
- Peqqissutsimut tunngasuni suleqatigiinnissamut isumaqatigiissut Peqqissutsimut Naalackersuisoqarfik / Kommuneqarfik Sermersooq

Ilanngussat

1. Paamiut pillugit isumaqatigiissut 2022 pillugu killiffik
2. Paamiut pillugit isumaqatigiissut
3. Paamiut pillugit isumaqatigiissummut Ilanngussaq 1

Punkt 7: Lukket

Punkt .: Taasariaqartut allat

Beslutning

Inge Olsvig Brandt (IA): Ataatsimiititami kommunip iluani angalanissap pilersaarusioneqarnissaa nalunaarutigaa.

Poul Petersen (D): Nammineq kajumissutsimik sulineq pillugu isumasioqatigiinnermi sapaatip akunnerata tulliani pisussami ataatsimiititap peqataanaviannginnera uggoralugu oqaatigaa.

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15.20.